

L'agricoltura biologica à ventu in poppa

U sviluppu di l'arbureti è di e sumente corse un hè solu un affare economicu. Hè dinù una manera di sustene un modu di pruduzione arrimbatu assai à l'agricoltura identitaria è biologica. Bisogna à di ch'ellu si piglia u ventu in poppa issu mudellu in Corsica sti pochi anni. Inde l'isula sana, sò certificati circa 500 agricoltori in "bio" è sfruttanu più di 24 000 ettari. Vale à di circa 18 % di e surfazie agricole di a Corsica. Secondu i scifri di a camera regionale d'agricoltura, sò state multiplicare via trè in cinqu'anni l'aree coltivate. In fatti, travaglianu solu 13 % di e spluttazione isulane incù un mudellu di pruduzione biologica, certificatu da a marca cullettiva "Bio di Corsica", messa in balu da valurità e pruduzione di l'agricultu-



ra biologica di pettu à u cunsumatore. Ma, secondu l'Inter Bio di Corsica, si vede una prugessione impurtante assai di e conversione biologiche. Dapoi qualchi annu, serebbe issa crescita di 15 à 20 % à l'annu.

